

Baztan-Bidasoko XXXII. Bertsopaper Lehiaketa (1. saria)

Ispiluko ustezko gizon zis hetero zuri ez-gizen diruaski horri

Doinua: Calle Melancolia

- | | | |
|---|--|--|
| 1)
Zalantzak islatzen dira
ispilutik zuganaino
zuk, genero zapalkuntzez
hausnartu gabe oraino,
pribilegio gehiago
dituzu zuk uste baino,
inor eraso al duzun
inoiz ez pentsatzeraino! | 5)
Hala ikasi baituzu
ia-ia umetatik
genitalei esker duzun
posizio horretatik,
berdin dio silueta
edota arropengatik,
zenbat epaitu dituzu
kanpoko itxuragatik? | 9)
Jendartean zer ikusten
ote dugu parez pare?
Zenbat eredu toxiko,
zapaltzaile, gaixo, grabe?
Balore mespretxagarritz
inguratuta bazaude,
ez al zenuke alertan
bizi behar etengabe? |
| 2)
Berdin dio bulegoan
zein kalean zabiltzala,
ostatuko barran edo
handik itzuli ahala
zure gorputza, ahotsa,
jarrera eta itzala
zenbatetan irakurri
dira mehatxu bezala? | 6)
Nahiz eta gero ez esan,
ez erabili ahotan,
isiltasunak ekintza
ez du ipintzen kolokan!
Normatiboki epaitzen
duzu edozein arlotan
eta gainera zerorri
ohartu gabe askotan. | 10)
Alferrik zenbat lan eta
deseraikitze-prozesu;
bazterreranzko pausua
egiten zaizu konplexu.
Nola ez, sorta honetan
ere zentroan zaude zu,
hortik ondorioen bat
atera al dezakezu? |
| 3)
Ez dela zure errua
ez duzun arren gustuko,
erantzuna prest zenuen
galdera egin orduko ...
Beste pribilegio bat
ez al da, lagun gertuko,
egin ahal izatea
norbere ardurei uko? | 7)
Sare sozialetan bai,
eraginkorra bailitzan,
artikulu feministak
partekatzeke langintzan
ikusi dut zein aktibo
eta zein irmo zabiltzan,
gero berdin jarraitzeko
eguneroko bizitzan | 11)
Ikusten zaitut pentsakor,
gogoetek erasana,
ez dakizula zer egin,
baina goazen pixkana;
hausnartu galderei buruz
mantso eta banan bana,
erantzuna da gutxien
interesatzen zaidana. |
| 4)
Bizi garen garaiotan,
zuk ere jakingo duzu,
iritzia ematea
bihur daitekeela luxu.
Gaiaz deus ez jakin arren,
ignorantziatik usu,
zuk hitz egiteagatik
zenbat isildu dituzu? | 8)
Bizi zarenez kultura
patriarkalak blaituta
sortu zinenetik ia
beregana izan zaitu ta
nahiz eta ustez eduki
kontrolpean, garaituta,
zure barruan noraino
egongo da sustraituta? | |